



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

3 NOVEMBER 2021 (RABU)



KERATAN AKHBAR DAN MEDIA ONLINE (KPDNHEP)

3 NOVEMBER 2021 (RABU)

PENUTUPAN SEMENTARA KILANG

Bekalan minyak masak paket terjejas

Oleh Zuhainy Zulkifli
am@hmetro.com.my

Georgetown

Penutupan operasi sebuah kilang pembungkusan semula minyak masak paket bersubsidi di daerah Timur Laut di sini antara punca kekurangan bekalan bahan itu sejak seminggu lalu.

Ia berikutan terdapat kes positif Covid-19 dalam kalangan pekerja dikesan di kilang berkenaan menyebabkan operasinya terpaksa dihentikan selama seminggu, sekali gus mengganggu bekalan di pasaran.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang, Mohd Ridzuan Ab Ghapar (*gambar*) berkata, isu bekalan berkenaan sudah pulih sejak kelmarin.

Beliau berkata, pengilang berkenaan adalah pihak dilantik bagi operasi pembungkusan semula minyak masak bersubsidi terbesar di daerah timur laut yang membekalkan 150 tan sebulan.

"Jadi isu kekurangan atau gangguan bekalan makanan hanya berlaku di daerah ini sahaja, tidak membabitkan seluruh Pulau Pinang."

"Selain itu kuota bagi pengedaran minyak masak paket bersubsidi yang sudah mencukupi pada Oktober lalu menjadi penyebab kekurangan bekalan," katanya pada sidang media di

sini, semalam.

Terdahulu, Mohd Ridzuan melakukan tinjauan Skim Harga Maksimum Musim Perayaan Deepavali 2021 peringkat negeri Pulau Pinang di Pasar Chowrasta di sini.

Sebanyak 11 bekalan dan barangan keperluan yang terbabit menerusi skim berkenaan bermula 1 hingga 7 November ini.

Beliau berkata, setakat ini sebanyak tiga wakil di daerah timur laut dilantik bagi operasi pembungkusan semula minyak masak paket bersubsidi itu.

"Pemeriksaan KPDNHEP mendapati peruncit sudah mula menerima bekalan minyak masak mulai minggu ini."

"Kuota minyak masak bersubsidi bagi Pulau Pinang ialah 3,434,000 kilogram sebulan dan ia dibungkus semula oleh 25 wakil syarikat yang dilantik di negeri ini," katanya.

Kelmarin, Harian Metro melaporkan aduan Persatuan Pengguna Pulau Pinang (CAP) yang mendapati bekalan minyak masak paket bersubsidi berkurangan sejak seminggu lalu.

Menerusi tinjauan yang dilakukan CAP, peniaga kecil runcit mendakwa mereka tiada bekalan stok dan belum dihantar pembekal menjelang perayaan Deepavali.



Bekalan minyak masak paket dijangka pulih minggu ini

GEORGE TOWN – Bekalan minyak masak paket yang dikatakan terjejas minggu lalu di sekitar kawasan daerah Timur Laut dijamin kembali pulih minggu ini terutama menjelang sambutan perayaan Deepavali.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang, Mohd. Ridzuan Ab. Ghapar berkata, siasatan mendapati, antara punca utama menyebabkan bekalan minyak masak paket itu terjejas di daerah itu adalah disebabkan sebuah kilang terpaksa menutup operasi kilang mereka

akibat Covid-19.

Katanya, pengilang tersebut merupakan antara pengilang terbesar di bahagian pulau yang membungkus semula minyak masak paket untuk diedarkan kepada peruncit dan ejen.

"Kuota mereka adalah 150 tan sebulan, namun minggu lalu mereka menutup operasi selama tujuh hari akibat Covid-19 dan hanya membuka semula operasi minggu ini.

"Kita telah jalankan siasatan segera mengenai perkara ini dan menjamin bekalan kembali pulih pada minggu ini selepas kilang berkenaan kembali beroperasi,"

katanya selepas melancarkan Skim Harga Maksimum Musim Perayaan (SHMMP) Deepavali 2021 di Pasar Chowrasta, di sini semalam.

Pelaksanaan skim tersebut bermula 1 hingga 7 November melibatkan 11 jenis barangan terdiri daripada ayam, telur, daging dan sayur.

Kosmo! semalam melaporkan, Pegawai Pendidikan Persatuan Pengguna Pulau Pinang (CAP), N.V. Subarrow berkata, CAP meninjau 12 kedai runcit di kawasan pulau dan mendapati berlaku kekurangan minyak masak paket di pasaran.



MOHD. RIDZUAN (dua dari kiri) beramah mesra dengan peniaga di Pasar Chowrasta, Jalan Penang, George Town semalam. – IQBAL HAMDAN

Nilai kompaun peniaga ingkar di NS RM1.3 juta

SEREMBAN - Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan mengeluarkan sebanyak 458 kompaun dengan nilai denda sebanyak RM1.3 juta setakat tempoh 31 Oktober lalu.

Exco Kesihatan, Alam Sekitar, Koperasi, dan Kepenggunaan, S Veerapan berkata, sebanyak 38,633 premis diperiksa oleh penguat kuasa merangkumi semua daerah negeri ini sejak 1 Januari lalu.

Katanya, hasil pemeriksaan yang dilakukan, sebanyak 458 kes dikenal pasti dengan nilai rampasan sebanyak RM851,177, melibatkan denda yang dikeluarkan berjumlah RM1,340,000.

"Pada tahun lalu sebanyak 563 pelbagai kes dikesan membabitkan nilai kompaun sebanyak RM190,046 manakala nilai denda adalah RM140,000, namun pada tahun ini terdapat peningkatan terhadap nilai



Veerapan (kiri) semasa membuat tinjauan ayam mentah di Pasar Raya Zeemart pada Selasa.

denda yang dikenakan oleh mahkamah kepada pihak yang didapati bersalah.

"Kesemua kesalahan itu dilakukan di bawah Akta Kawalan Harga dan Antipencatutan 2011, Akta Timbang dan Sukat 1972, Akta Perihal Dagang 2011 dan Akta Perlindungan Pengguna 1999.

"Selain itu Akta Kawalan Bekalan 1961, Akta Cap Dagang 2019 dan Akta Pencegahan dan Pengawalan Penyakit Berjangkit 1988, turut dikesan," katanya.

Beliau berkata demikian kepada pemberita selepas Majlis Pelancaran Skim Harga Maksimum Musim Perayaan (SHMMP) Deepavali 2021 peringkat Negeri Sembilan di Pasar Raya Zeemart Senawang, pada Selasa.

Hadir sama, Pengarah KPDNHEP Negeri, Ain Arjuna Aziz Zaman.

Dalam pada itu, menurutnya, KPDNHEP negeri ini menerima 814 aduan melibatkan pelbagai aduan bagi tempoh sama tahun ini.

Denda RM10,000 kemuka dokumen palsu diesel

KUALA TERENGGANU: Bekas penolong penyelia syarikat pembekal minyak didenda RM10,000 di Mahkamah Sesyen di sini kerana mengemukakan dokumen palsu bagi mendapatkan lebih 50,000 liter diesel, lapan tahun lalu.

Hakim Dazuki Ali menjatuhkan hukuman itu selepas Hasrul Amran Mamat, 43, mengaku bersalah atas pertuduhan yang dibacakan.

Mahkamah turut memerintahkan lelaki itu dipenjara empat bulan jika gagal membayar denda tersebut.

Berdasarkan pertuduhan, Hasrul Amran didakwa mengemukakan resit palsu bagi mendapatkan lebih 50,000 liter minyak diesel gantian yang bernilai RM135,000 serta caj servis berjumlah RM4,225.

Kesalahan didakwa dilakukan di Pejabat Petronas Maritim, Petronas Cari Gali Sdn. Bhd. di Pangkalan Bekalan Ke-



Hasrul Amran didakwa mengemukakan resit palsu bagi mendapatkan lebih 50,000 liter minyak diesel..."

maman (KSB), Kemaman pada 18 Ogos 2013.

Pendakwaan dikendalikan Timbalan Pendakwa Raya, Irwan Shah Abdul Samat manakala tertuduh diwakili peguam, Mohd. Hisham Hashim.

Tertuduh didakwa mengikut Seksyen 471 Kanun Keseksaan dan boleh dihukum di bawah Seksyen 465 kanun yang sama.

Senarai Harga Barang Keperluan		Telur Gred A		Gula Pasir		Cili Merah	
Ayam	RM6.49		RM10.90		RM2.85		RM10.99
Daging Lembu Tempatan	RM34	Ikan Kembung	RM10.99	Bawang Besar Holland	RM2.69	Kubis Bulat Tempatan	RM4
Daging Lembu Import	RM25	Minyak Masak	RM6.50	Bawang Putih	RM5.90	Tepung Gandum	RM2.19

*Harga (RM/kg) Sumber: KPON/HEP